



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa

26 Feveiru 2014

Tribunál Distritál Baucau adia audiénsia julgamentu tanba la prenxe juís koleтиву

Iha 24 Feveiru 2014, Tribunál Distritál Baucau la hala'o prosesu julgamentu ba kazu krime omisídiu agravadu tanba tribunál la konsege konstitui juís koleтиву. Kazu rejistu ho Númeru Prosesu: 312/Crm/2013/TDB.

“JSMP kumpriende katak dalabarak tribunál sira hasoru difikulidade atu forma tribunál koleтиву ba kazu sira ne'ebé rekere koleтиву, tanba kestaun rekursu umanus, maibe JSMP nafatin enkoraza tribunál atu konsistente ho agenda ne'ebé sira defini ona atu nune'e la prejudika efikasias husi prosesu ne'e nomós parte sira ne'ebé involve iha prosesu refere,” dehan Direitór Ezekutivu JSMP, Luis de Oliveira Sampaio.

Tuir informasaun ne'ebé JSMP rekolla katak tuir loloos prosesu julgamentu ba kazu ne'e sei hahú iha tuku 14.00 loraik, maibe toó tuku 15.30 loraik membru juís ba tribunál koleтиву ne'e seidak marka prezensa iha tribunál tanba sei iha dalan hela. Tanba ne'e tribunál anunisia katak julgamentu ba kazu ne'e adai fali ba 06 Marsu 2014.

JSMP observa katak testemuña nomós membru família vítima sira ne'ebé marka prezensa iha tribunál sente la kontente tanba sira lakon ona tempu hodi mai too tribunál maibe infelizmente julgamentu tenke adia tanba deit juís la marka prezensa. Hanesan argrikultór sira sente lakon tempu saugate deit tanba depois too mai sira fila fali sein iha prosesu ba sira nia kazu.

Kazu ne'e involve krime omisídiu agravadu ne'ebé komete husi arguidu OdG hasoru vítima RG (matebian) ne'ebé akontese iha 17 Agostu 2013, iha Suku Buruma, Sub-distritu Baucau Vila, Distritu Baucau.

Relasiona ho kestaun rekursu umanus ne'ebé dalabarak impede prosesu sira lao ho lalais no efikas, JSMP recomenda ba Governu através husi Ministériu Justisa atu kontinua loke oportunidade ba formasaun iha Centru Formasaun Judisiáriu hodi hatan ba asuntu ne'e.

Oras ne'e dadaun arguidu halao hela prizaun iha Sentru Prizaun Becora.

Prosesu adiamentu ne'e anunsia husi Juís Dr. Jose Goncalves hanesan Prezidente ba tribunál koletivu, sein prezensa husi Ministériu Públiku no Defensor Públiku mesmu momentu ne'e sira marka prezensa ona iha tribunál.

Atu hetan informasaun kompleitu, favor kontaktu:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

info@jsmp.minihub.org

Telefone: 3323883 | 77295795

Website: www.jsmp.tl

Face book: www.facebook.com/timorleste.jsmp

Twitter: @JSMPtl

Landline: 3323883 / 7295795